

Prophetebeeri - Schnitzelbagg

1. Zäh blau! Gartezwärgli
tänzle im Vortrab fyn,
Ains gumpt wytter bis zum Silo,
So sin's halt nur no nyn.
2. Nyn roseroti Pfyfferli
die ässe zsämme z'Nacht,
Ja Du, und ains isst z'vil Salat,
Jetzt sin's halt nur no acht.
3. Im Untergrund flehrt s'Szepter au
s'Ruth, die letschi Grindigsfrau,
Als Vielle Rose kasch's am Mittwoch gseh
Sirpfl e Glas Kamilletee.
4. Acht roseroti Pfyfferli
Sin nit im Schlissel blibe,
s'Lorette het e Brugg im Muul,
drum pfyffe numme sibe.
5. Die goldigi Plakette do
Hätt fast dr Pfyfferchef biko,
Mir hän denn giunde, 's düt em schade,
er het jo scho d'Larve mit Gold belade.
6. Sibe roseroti Pfyfferli
Im Zigli unterwägs,
Gäbt's do e Minirock-Zensur,
So wäre's numme säx.
7. Isch's es? Nai, das ka nit stimme,
Wenn's es wär, no kennt' me's nimme.
Und doch - mer mien ganz ehrlig sage,
's Didi ka jetz Hose trage.
8. Säx roseroti Päärli Bai,
Die hätte wyssi Strimpf,
s'Heidi het langi Hose a,
So sin's halt numme fümf.
9. By uns sin allergattig Lyt,
Sogar e Chic's macht by-n-is mit,
's muess s'neyst Modäll vo allem ha,
An dr Fasnacht legt's e Schällkopf a.

10. Film roseroti Pfyfferli,
Dervo spilt ains Klavier,
Suechsch die, wo's nit vertribe het,
Sin's numme grad no vier.
11. D'Olympia drummelt z'Montréal,
Au d'VKB isch iberall,
Die Abverheite hän, wie scheen,
Ihr Hofpoetin gly z'Athen.
12. Vier blau Vortrabwybli
Bore dr Wäg nit frei,
Und wenn denn s'Ruth no Grippe nimmt,
Denn mache's halt no drei.
13. Dr Morgestraich isch bsunders glatt,
Ziehsch kryz und quer wie d'wottsch dur d'Stadt
Und wenn de findsch, haigsch meh dervo,
Blybsch alfach am ene Ecke stoh.
14. Drei roseroti Pfyfferli
Pfyffe Drittli - Jo und nai,
Ains schwätzt und wett in Grosse Rot,
Jetz hämmer nur no zwai.
15. E Rätsel isch's, mer sage's gly:
Ains lytt dehaln und fahrt doch Schy;
In sibe Tag do darfsch drei Mole
D'Antwort uf e Zeedel mole.
16. Zwai roseroti Sängeri
Friere am Bahnhof - kains
Waiss, dass scho s'Buffet offe isch,
Sunst wär dert nit emol ains.
17. Nei's findet in dr Zoologie
Nit numme s'Zücke Rose-Marie,
Mir kenne e Rhynozeros,
Das goht im wyasse Huet uf d'Stross.
18. No Aengland zieht mit em Cartespatte,
Där Larve, Farb, Latärnelatte,
's Dorett mit eym Huet und Sandale
Zur Ereffnig vo dr Larve-Tschudi-Fillale.
19. Al roserot glai Pfyfferli
Wartet uf em Glais,
Und wo denn s'erstli Trämli kunnt,
Springt's dry und zrugg blybt kais.
20. Und wo's denn Sunntig worde isch,
Wo's Bummel und Znacht soll gü,
Do kemme si, wie a ganz Jahr nie
Und so sin's wider zäh.